

DE OPT. MAX.

VIRGINI DEI-PARÆ

ET S. LUCÆ ORTODOXORUM
MEDICORUM PATRONO.

QUÆSTIO MEDICA.

Pro aggregatione, in Collegio Medicorum Abbavillensium;
discutienda.

An Patrum in natos abeant cum semine morbi?



DE HOMINE quid cogitas? perfectius omnium quæ sub cælo sunt entium, vivax, nulli obnoxium incommodo, commodis omnibus præditum, præcipue vita beata & incolumi? non ita. Immo miseriæ morbi mors. Ecquid vivit homo? vivit, sed brevi, quid vita præterea, militiarum morborum que nisi circulus & mensura. Hominem ideo si concipis, morbosum intra & extra concipe; intra animi pathemata, extra cætera non naturalia. Quid ira, quid gaudium, quid tristitia &c. Valeant in morbis producendis tibi referentij quos multoties pene demiserunt orco. Non tam violenter & prompte quæ ab externis derivantur mala afficiunt, sed crede mihi non ideo mihius, imo quod minus celeriter agant, & iis paulatim assuescamus, eo certius periculosius que insigunt labem. Aere cibo & potu momento vix carebimus, sed in detrimentum vertitur rerum optimarum uberitas, nocent quæ mox profuerant, & tandem subsequitur pallida mors. Somno vigilia motu quiete &c. Sanitas firmabatur, sed vix converso sidere quæ ad sanitatem ad interitum deducunt. Cum tam latus & expansus sit morborum campus, quis ibit inficias hominem totum esse a natura morbum? at si in homine ita constituto tam certa & constans apparet necessitas lethi, quid aliunde quæris mortis causam? & in consensum

rapis delicta majorum, ut immeritus mori cogatur moribundus homo hæc
seducta labe.

Morbus affectus est contra naturam actiones lædens; per morbum
tamen non intellige conamen confutum & inconditum naturæ iu-
molvantis, a via aberrantis, & male se tuentis; sed certum naturæ nilum
& ordinatum ad mæritæ morbificæ eliminationem in ægri salutem. Mi-
raris! palam sunt omnibus pleuritis, peripneumonia, &c. Quæ tam con-
stanter suum servant typum & ordinem in paroxysmis, symptomatis, &
crisibus. Morbus acutus alius, alius entonicus, huic velocitatis privato
nomen fecit, non enim horarum, vel dierum, sed mensium, interdum
& annorum movetur circulo: Ille a motus celeritate denominatus, ut &
a symptomatum vehementia; non vero facilius, nec natura fortuna ve-
gis faventibus, sed citius, celerius que sua decurrit tempora, quia ut plu-
rimum febrem sibi adjungit comitem. Utrique sua materia, suus scopus,
sua terminatio, sua constans & certa intentio; peripneumonia spuris u-
pleuritis sudoribus &c. At quænam est morbi hereditarij materia? quæ
terminatio? qui scopus? quæ intentio. Morbum hereditarium dicunt affe-
ctum a parentie simili morbo obnoxio in prolem transmissum obvitium se-
minis vel fortis nutrimenti. At inquam, quænam est materia tam diti-
labis, ubinam latet, cujusnam indolis. Acidæ procul dubio suspiras mi-
pyrophile? latet in intimis massæ sanguineæ particulis morbificum illud
seminium, eo usque dum sat est exalatum & evolutum, ut torum postea
sanguineum flumen inquinare valeat. Sed respicit Medicina, præ conceptis
Chymicorum erroribus liberata, furorum tumorum que dædaleis extri-
cata compedibus. In solidis rectius nidulari asseris solidorum affecta? dicas
velim quo modo solida acceptam semel depravatam impressionem, nec
emendant, nec adaugent; & cur tandiu latet actionis expertis vis impressa.
Nullum potius autumes esse morbum hereditarium, neminem que nisi
prius merita afflicti macie. Dubitas? ad generationem attende, & ex ea
nodum solve.

Dudum perijffer, periret que modo universi terrarum orbis honos &
gratia, suis brevi orbatu incolis, ni Deus omnipotens cuique in
perpetuum propagandæ speciei anxiam indidisset cupidinem, ineluctabilis
præcavendi exitij gratia. Omnibus ideo insitum ne mireris ignoræ moris
horrorem, omainbus vitandi flagrans desiderium: sed frustra, sive enim

fruges sive animantes debentur omnia morti indomitæ. Una tamen in
tanti mali super est lenimen generatio, mortis diceres amuletum: in hac
ex sopito ac prope emortuo fonte suscitatur vivum aliquid phoenix ad
iustar. Unum ergo malum omnibus commune mors, una solatio universis
generatio, quidni etiam erit una generationis Mechanica? nullam dari
absolutam generationem ratio demonstrat. Per generationem itaque in-
telliget seminum ab origine mundi creatorum evolutionem & accretionem.
Nulla tamen fit generatio, nisi ab utroque sexu una ad opus concurrente
peragatur. In his idoneæ organorum requiritur dispositio, qua vitiata, he
impossibilis generatio. Tali organorum proportionem gaudere vegetabilia
constat, observatione facili patet insuper in masculinis plantarum partibus
contineri & evolvi plantam integram, quæ ut incrementum suscipiat, in
foemina plantæ partes genitales deponatur oportet. Animalia disparti gau-
dere conditione incongruum foret. At si oculis vitro optico adjutis adhi-
benda fides, eadem potiori etiam sorte donantur. Apparet enim genituram
maris esse congeriem animalculorum in liquore natantium, perniciissimam
que motu præditorum (si sunt ex homine sano, quod secus accidit in terri-
bus & morbo confectis.) Ista animalcula vermes dixerunt; in ijs luculen-
ter observantur cauda & caput, hoc totum animalis rudimentum, hæc vasa
umbilicalia esse, credendum est. Genituram foemina si consideres, hanc
constare ex vesiculis liquore quodam igne concrescibili plenis, nudis de-
prehendes oculis. Vesiculæ istæ ova audiunt; ex ijs omnia oriri qui dubi-
taret, naso suspenderetur adunco: ex ijs tamen ut alimentis, non prin-
cipijs. Sed accipe generationis mechanicam in homine & ab ea discce omnes.
Peractis ut decet matrem inter & foeminam peragendis, semen maris saltem
ex parte uterum subit, ex hoc vermiculi vividiores, robustiores, majorique
motu prædicti, per tubas ad ovarium appellunt, quod veneris æstus, & titil-
latio tubis admovit; ubi huc ventum est, vermiculi ova matura, idest quo-
rum humores sunt ita præparati ut possint alere, per cicatriculam (si patet)
subeunt, & ijs implantantur cauda, sic que constituunt unicum corpus,
constans tamen diversis admodum corporibus, insunt enim placenta, vasa
umbilicalia, & membranae foetum involventes. Ovo sic unitus vermiculo-
rum unus aut alter pro numero ovorum maturorum, ab ovario in tubam
delabitur, qua mediante fertur ad uterum, huic annectitur per placenta
corporum glandulosorum inosulationem: ab his succus nutritius elicitur
limpidus ex utero, & in membranas foetum involventes transcolatur. Hoc
humore circumfuso vestitur ore foetus ad debitam usque accretionem, &

hujus consumptionem. Quo tempore fame percitus, calcitrando facta via vi, claustris que praruptis, partim suis conatibus partim uteri contractionibus, in lucem prodit, aërisque potitur munere.

C Redis. solummodo liberis dandam operam ut optatæ valetudinis generes filios? credis ex quolibet semine sive sano sive vitiatio procreari liberos hujus qualitatum participes? hallucinaris. Ad generationem enim non sufficit idonea organorum dispositio & structura, sed & debita utriusque ad opus concurrentis temperie, laudabili habitu, seminumque optima temperatura opus est, vermiculus sit oportet vividus, agilis, robustus & succiplenus, ovum maturum, cicatrix aperta: dum hæc ita sunt, frustra semper & foeticem expecta progeniem, hæc si vel tantillum deficiunt, nulla ne languida quidem speranda propago. Vermiculum enim languidum torpidum & moribundum ad ovarium usque penetrare, ovum per cicatriculam subire, & ex eo alimentum suscipere, morbum que in eodem statu permanere posse quis credat? nisi judæus appella. Vis tamen ut abeant in natos patrum cum semine morbi? pugnat cum ratione sententia. Quomodo enim ex homine male sano, tabe u.g. vel phthisi, & podagra confecto, vis oriatur genitura probe temperata, vel potius vermiculi sat actui, sat veloces, qui valeant subito hos anfractuosis permeare recessus, quod nisi faciant in instanti, postea peragere non dabitur, nam recedunt quæ mox ad invicem accesserant patres. In hominibus his & alijs morbis laborantibus (si ut dictum est oculis non deneganda fides) videas hos vermiculos raros admodum, lentos, morbo emaciatis, exanimes, & plerumque deesse. Ex his animaleulis suscitari posse hominem qui affereret nugari videretur. At si isti vermiculi ad generationem sunt plane inepti (ut revera sunt) per eos in maribus nullam dari morborum communicationem patet. A matre oriatur ergo oportet morbus hereditarius. Quis id audeat asserere nisi his in rebus plane rudis. Neminem latet in cœcina morbo gravi affecta (ut & in alijs) inustam labem solidis continuo communicari fluidis, & eam quæ mox in una insidebat parte perniciem, in totum brevi corpus esse transfundendam. At ovum in tabida u.g. est illæsum & immune a partium aliarum lethali contagio? humores in eo contenti integram servant qualitatem cicatricula patet? dic velim quis Deus hæc otia fecit? quod tamen nisi fecerit, in vanum vermiculus tentabit cicatriculam subire & si tandem in hanc irrepit, longe pejori donabitur sorte, interitus enim proximus erit primæ formationi, nam patet sine alimentis vivere non dari, faciliusque tamen esse

si carere quàm horum vice toxico uti. Negas toxicum esse ovum corruptum & putrefactum vermiculo molli adeo & tenelli corporis ? attende ad ea quæ pariunt mala victus ratio quadragesimæ, & tempotis pascham subsequentis. Sat erit roboris tantillo animalculo, qui valeat resistere tante molis veneno, unde id illi contigerit mente quis capiet ? vides impossibilem esse in male affectis parentibus generationem, quod cum ita sit, impossibiles pariter esse morbos hæreditarios probare quid opus est. Esto tamen generetur fœtus ex vermiculo male affecto, labem etiam contrahat a prava ovi qualitate, & a vitiata humoris amnii constitutione : verum quid in causa est cur tandiu resistit fœtus malignitati istius alimenti ? & cur post multos tantum annos vires suas exerit semen illud morbi paterni, incantatum que velut remanet ? id certe ne concipi quidem possedum cognosci autumor. At si revera morbum contrahit fœtus in utero, cur ista semina mali non opprimuntur dum nova sunt ? vel ita accrescunt, ut fœtum occidant. Omnibus notum est usu lactis, & victus humidi, inveteratam sæpe edomitam fuisse phthisim, fugatam podagram annosam &c. Quid ni & hi affectus in incunabulis iugulabuntur in fœtu & pueris eodem victu salutifero utentibus ? fovet, ais, vitiata matris lac ? non ea in est illi cordis dures, ut sui conscia morbi, illum puero infundere audeat. An post hæc morbos hæreditarios esse contendes ?

PAlam est omnibus, ais, a parente phthisico phthisicum, a podagrico podagricum generari filium, unde ergo morbus filij nisi a parente ? nequiquam. Unde patri contigerat, ab eodem fonte derivata clades est filio, eadem expertus est filius ac pater cur pari mercede non donabitur ? vino veneri que incubuit enixe, cur podagra horum filia non mulsetur. Non abeunt ergo in patrum morbi sed mores ; juvenibus aliunde alimentorum usu, locorum & ætatum negotijs, parentum quæ & nutritionum colloquijs & consuetudinibus. Vino deditus pater, infanti nil nisi heroica patulo promulgat ore facinora, his facile imbuta tenella pueri mens delectatur, & blanditur ; jamque transit ad opus, scyphorum guttulas lambit avide, hilariter mirantur & assentiunt omnes, strenuum brevi fore potatorem patri similem, imo majorem prænunciant & exoptant. Adolescit puer, paterna libenter calcatur vestigia, imitatur, & superat. De venere idem esto judicium, simul atque subijt mentem vesana illa cupido, crescit in dies, carpit que vires paulatim, coque devenit, ut sui impatientes æstio velut percitos præcipites agat in omne vitium nefas. Ab uno horum vitio

quot corpori oriuntur mala, non facile est dicere: quot ab ijs una concurrantibus, plane impossibile: quid enim Venus ebria curat? patet ideo anilium fabularum ad instar habendos morbos hæreditarios. Pavidus igitur mulierculas terrent magna hæc vocabula, vel potius effrenatorum vitij sunt operimento. O me miserum libidinosus, ait, libidinum patris penas immensus luo, vitam ago cælibem, vino vix labra proluo, podagra tamen laboro, hunc morbum esse hæreditarium quis negaret? nisi intulisset, cum eo tam dire fuerit vexatus pater. Fucum olet ista querela, ab ea cavere, lussit in umbra voluptate privatus robustiore. Non facit ad palatum hæc sententia? Hippocratem consule & ab eo edisce neminem ante veneris usum podagra laborare. A veneris solum modo oriri podagram asserere, errare est. Sine Cerere & Baccho frigescere Venerem notum est omnibus. Bibacitas ideo, vini que præcipue & aquæ vitæ intemperantia, veneri auxiliantes præbent manus, & ad unum una concurrunt scopum; unde apprime,

Nec Veneris nec tu vini capiaris amore,

Vno namque modo vina Venus que nocent.

Ecce instat mihi alter, ait, morte magis metuenda senectus, nervorum resolutione laboro, tremore manuum, aurium tinnitu, titubant genua, corporis onus male sustinent pedes laborantes, ea omnia a patre accepi, dolere fortunam! nugæ, somnia: nimium ne crede colori: sunt veneris monumenta nefanda. De phthisi, & alijs morbis vulgo hæreditarijs dictis, idem asserere absurdum ne esset? sed jam satis, & instar omnium hæc sint. Imposterum ita que clamitent incassum delicta majorum se immeritos luere, afflicque morbo non sibi debito, cum nullus sit morbus quem rerum non naturalium usus immoderatus, non valeat accersere: moderatus vero præcavere, & persæpe debellare.

Non ergo patrum in natos abeunt cum semine morbi?

DOMINI DOCTORES DISPUTATURI.

*M. Carolus Retart, Serenissimo Principissa Aurelianensium Ducissa
fata functa, Medicus.*

M. Ludovicus le Bel.

M. Carolus Lucas.

M. Jacobus le Sergeant.

M. Clemens Hecquet, Serenissimi Principis Elboviensium Ducis, Medicus ordinarius.

M. Antonius le Sergeant.

M. Nicolaus Machart.

Afferebat Abbavillæ Magister FRANCISCUS DARGNIES
Abbavillæus, Doctor Medicus Remensis. Die Junij
Ann. R. S. H. 1706.